

# Atortunik innaallagiatortunik suliaqarnermut tunngatillugu isumannaallisaaneq pillugu Namminersorlutik Oqartussat nalunaarutaat

§ 6, imm 1 naapertorlugu Sanaartukkat innaallagissamut atugassat, innaallagissamut ikkussuinerit aamma atortut innaallagiatortut pillugit Inatsisartut peqqussutaat nr. 12, 3. november 1994-imeersumi, Inatsisartut inatsisaanni nr. 19, 12. juni 2019-imeersumi allanngortinneqartumi, Innaallagissiornermut Oqartussanit aalajangersaneqassaaq:

## Kapitali 1

*Atuuffia, isumannaallisaanermut piumasaqaatit aamma nassuiaatit*

### *Atuuffia*

§ 1. Nalunaarut matuma atuuffia tassaavoq, atortunik innaallagiatortunik aamma innaallagissamut sak-kortuumut atortunik pingaarnernik ikkussuilluni suliaqarnermut, taamaattorli imm. 2-3 takukkit.

*Imm. 2.* Nalunaarut atuutinngilaq sanaartukkanik innaallagissamik nioqqutissiornermut atorneqartussanik sanaartornermi, tamakku innaallagissamik ikkussuinerimik suliaqarnermi aamma ingerlatsinerimik isumannaallisaaneq pillugu, nalunaarutaat naapertorlugu ingerlanneqarpata.

*Imm. 3.* Nalunaarut atuutinngilaq innaallagissamik nukissiamik toqqorterivissanik suliaqarnermut, tamakku innaallagissamik ikkussuinerimik suliaqarnermi aamma ingerlatsinerimik isumannaallisaaneq pillugu, nalunaarutaat naapertorlugu ingerlanneqarpata.

### *Isumannaallisaanermut piumasaqaatit*

§ 2. Atortut innaallagiatortut suliarineqassapput aamma ingerlatinneqassapput imatut, taakkua inunnut, uumasuutitut imaluunniit illunut navianartorsiortitsisinnaajunnaarlugit.

### *Nassuiaatit*

§ 3. Nalunaarut imatut paasineqassaaq:

1) Toqqaannartumik attuisinnaanermut pitsaaliuineq: Tassaapput iliuutsit inuit sarfap ingerlaarfiata ilaannut, imaluunniit taakkua ilaannut navianarsinnaasumik sarfalinnut timimik imaluunniit atortunik qanillillu-

tik navianartorsiornissaannut pinngitsoortitsisussat.

2) Toqqaannangitsumik attuisinnaanermut pitsaaliuineq: Inunnik navianartunut sarfamik ingerlatsisunik atortunut innaallagiatortut ilaannut imaluunniit allat ilaannut innaallagissamut aqutigiurnartut illersuineq.

3) Navianartorsiorfusinnaasup killinga: Sarfamik ingerlaarfigineqartumik suliaqarfiup eqqaani killiffik D<sub>L</sub>. Sarfamik ingerlaarfigineqartup ilaa eqqaaniittoq tassani tapiinnaallisaanerup annertussusia innaallagissamit navianartorsiortitsineqarsinnaanermut naammannani, soorlu inuit taanna qarsuppassuk imaluunniit sumiiffimmut appakaallutik, tak. EN 50110 immikkoortoq A.

4) Kukkunermut illersuineq: Innaallagissamut qupinnguallassinnaanermut illersuineq ataasiartumik kukkusoqarsimatillugu.

5) Tunngaviumik illersuineq: Ataasiinnarmik ajoqutilinnut innaallagissamut qupinnguallanissamut illersuineq.

6) Atortut sakkortuumik sarfallit: Atortut innaallagiatortut taakkua nalinginnaasumik 1000 V ac. imaluunniit 1500 V dc. sinnerlugu sarfaqarlutik.

7) Atortut sakkukitsumik sarfallit: Atortut innaallagiatortut taakkua nalinginnaasumik 1000 V ac. imaluunniit 1500 V dc. inorlugu sarfaqarlutik.

8) Atortut ledningillit: Ledningit silaannakkoortut aamma kabelit atortunut innaallagiatortut ilaasut.

9) Ingerlatsivik innaallagialik matoqqasoq: Ini imaluunniit sumiiffik iserfigineqarnissaa killilersorneqartoq tassani atortut innaallagiatortut aamma atortussiat aqunneqarlutik.

10) Ruujorit: Suut tamarmik innaallagissap aqutigisai ruujorinut saviminernut ilaasut aamma innaallagissap ingerlaarfianut ilaasut, taakkua ruujorinut attuussimallutik.

## **Kapitali 2**

### *Nalinginnaasunik atuineq*

#### *Atortunik innaallagiatortunik 1000 V ac. imaluunniit 1500 V dc. sinnerlugit sarfaqartunik suliaqarneq*

§ 4. Atortut innaallagiatortut 1000 V ac. sinnerlugu sarfallit EN 61936-1 naapertorlugu suliarineqartut, tassunga ilanngullugit Kalaallit Nunaanni pissutsit atuuttut, taava isumannaatsuunissamut piumasaqaat § 2-miittoq, najoqqutassami tassani §§ 15-20 aamma §§ 26-36 malillugit malinneqartutut isigineqarpoq.

§ 5. Atortut innaallagiatortut nunamut attavii ikkunneqartut 1000 V ac. sinnerlugu sarfallit EN 50522 naapertorlugu suliarineqartut, tassunga ilanngullugit Kalaallit Nunaanni pissutsit atuuttut, taava isumannaatsuunissamut piumasaqaat § 2-miittoq, najoqqutassami tassani §§ 15-20 aamma §§ 26-36 malillugit malinneqartutut isigineqarpoq.

§ 6. Innaallagissap aqutai silaannakkoortut 1000 V ac. sinnerlugu sarfallit EN 50341 naapertorlugu suliarineqartut, tassunga ilanngullugit Kalaallit Nunaanni pissutsit atuuttut, taava isumannaatsuunissamut piumasaqaat § 2-miittoq malinneqartutut isigineqarpoq.

§ 7. Atortut innaallagiartortut 1500 V dc. sinnerlugu sarfallit nalinginnaasut naapertorlugit Den Europæiske Komité for Elektroteknisk Standardisering (CENELEC)-imit tamanut saqqummiunneqarsimasut naapertorlugit suliarineqartut, tassunga ilanngullugit Kalaallit Nunaanni pissutsit immikkut atuuttut, taava isumannaatsuunissamut piumasaqaat § 2-miittoq malinneqartutut isigineqarpoq.

§ 8. Atortut innaallagiartortut ruujorinut saviminernut qanittumut EN 50443 naapertorlugu suliarineqartut, tassunga ilanngullugit Kalaallit Nunaanni pissutsit atuuttut, taava isumannaatsuunissamut piumasaqaat § 2-miittoq malinneqartutut isigineqarpoq.

*Imm. 2.* Taamatuttaaq isumannaallisaanermut piumasaqaat malinneqartutut isigineqarpoq, atortut innaallagiartortut aamma ruujorit savimerngit akornanni qanitsillugit ingerlaartitsineq maleruqaqquasut ilanngussaq 1 naapertorlugu suliarineqarpat.

§ 9. Atortut innaallagiartortut §§ 3-7 nalinginnaasut taaneqartut malinnagit imaluunniit ilaannaat malillugit suliarineqartut, taava tamanna uppersaasorsorneqassaaq tassa § 2-imi isumannaatsuunissamut piumasaqaat malinneqarsimasoq.

*Imm. 2.* Atortunik innaallagiartortunik suliaqarnermi piffissamut najoqqutaasoq nalunaarneqartoq tassaavoq, tak. §§ 3-7, nalinginnaasup sorliup atorineqarneranut. Imatut pisoqarpat atortunik innaallagiartortunik suliarisat pilersaarusiorderisa naammassineqarneranit piffissaq tassaasoq ukiunik pingasunik sivikinnerusoq, taava Kalaallit Nunaanni suliarisat pilersaarusiorderisa naammassineqarneranit nalinginnaasut, tak. §§ 3-7, atuuttut atorineqassapput.

*Atortunik innaallagiartortunik 1000 V ac. imaluunniit 1500 V dc. angullugit sarfallinnik  
suliaqarneq*

§ 10. Atortut innaallagiartortut 1000 V ac. imaluunniit 1500 V dc. angullugit sarfallit Kalaallit Nunaanni innaallagissamik sakkukitsumik sarfallinnik ikkussuussinermit nalinginnaasut atuuttut HD 60364 malillugu suliarineqartunut, isumannaatsuunissamut piumasaqaat § 2-miittoq, najoqqutassami tassani §§ 15-25 malillugit malinneqartutut isigineqarpoq.

*Imm. 2.* Atortut innaallagiartortut Kalaallit Nunaanni innaallagiartortunik ikkussuinermit nalinginnaasut atuuttut HD 60364-miittut malinnagit imaluunniit ilaannaat malillugit suliarineqartut, taava tamanna uppersaasorsorneqassaaq, tassa § 2-imi isumannaatsuunissamut piumasaqaat malinneqarsimasoq.

*Imm. 3.* Atortunik innaallagiartortunik suliaqarnermi piffissamut najoqqutaasumi nalunaarneqartumi nalinginnaasup saqqummersitap, tak. imm. 1, sorliup atorineqarnissaa. Imatut pisoqarpat atortunik innaallagiartortunik suliarisat pilersaarusiorderisa naammassineqarneranit piffissaq tassaasoq ukiunik pingasunik sivikinnerusoq, taava Kalaallit Nunaanni suliarisat pilersaarusiorderisa naammassineqarneranit nalinginnaasut saqqummersitap atuuttut, tak. imm. 1, atorineqassapput.

§ 11. Batteriit inuussutissarsiordermit nukissiamik toqqorsinermit atorineqartut, taakkua tulluurtuussapput aamma siunertamut naleqquttuussallutik nalinginnaasut naapertorlugit, tassa Den Europæiske Komité for Elektroteknisk Standardisering (CENELEC)-imit tamanut saqqummiunneqarsimasut naapertorlugit, tassunga ilanngunneqarsinnaapput Kalaallit Nunaanni pissutsit immikkut atuuttut.

*Nalinginnaasut*

§ 12. Nalinginnaasut najoqqutassami matumani innersuunneqartut, Dansk Standard aqqutigalugu pisiarineqarsinnaapput imaluunniit Innaallagissionermut Oqartussani misissorneqarsinnaapput.

### Kapitali 3

#### *Isumannaatsuutitsinissamut piumasaqaatit ataatsimoortut*

§ 13. §§ 14-imit 35-imut isumannaatsuutitsinissamut § 2-mi piumasaqaatit itisilerneqarput.

§ 14. Atortut innaallagiartortut suliarineqassapput annertuumik kiattumiikkunik, innaallallutik imaluunniit mekaniskiusumik sunnerneqarnermikkut navianarsinnaajunnaarsillugit, tassa nalinginnaasumik ingerlatillutik, immikkut ittumik ingerlatillutik, kortslutternermikkut imaluunniit silap qanoq innerani ilimagineqartumiitillutik.

§ 15. Innaallagissap sakkortusivallaarnerata kingunerissanngilaa inuit, uumasuutit imaluunniit illut navianartorsiornissaat.

§ 16. Atortut innaallagiartortut elektromagnetiskiusunik akornusersorneqarnissaminnut sunnerneqarsinnaajunnaarsinneqassapput, taamaalillutik avatangiisini inissisimaffigisaminni akornuteqanngitsumik ingerlasinnaassallutik.

§ 17. Atortussiat innaallagiartortut atortunut innaallagiartortunut ikkunneqarsimasut, taakkuninnga sanasimasup innersuussutai tunngavigalugit ikkunneqassapput aamma atorneqassallutik.

§ 18. Atortut innaallagiartortut nunamut attavii ikkunneqartut suliarineqassapput taamaalillutik pissutsit qanoq ikkualarpataluunniit suni tamani inunnik taakkua tassaniitillugit isumannaatsuutitsillutik. Tamatumasaniatigut atortussiat innaallagiartortut nunamut attavinnut ikkunneqartut atortut ajoqusersimannginnissaat aamma akornuteqannginnissaat qulakkeerneqassapput.

§ 19. Atortut innaallagiartortut aamma pequtit allat ima qanitsigitillugit inissinneqassanngillat taamaaliorneq pissutaalluni navianartorsiortoqarsinnaalluni.

*Imm. 2.* Pequtinik allanik atortunut innaallagiartortunut pioreersunut inissiiinermi atortunut qanoq ungasissuseqarnissaannut piumasaqaatit eqquutsinneqassapput.

*Imm. 3.* Atortut innaallagiartortut imaluunniit pequtit kingulliullugit ikkunneqartut inissinneqassapput inissinneqareersimasut mianeralugit.

#### *Atortunut 1000 V ac. imaluunniit 1500 V dc. angullugit sakkortussusilinnut isumannaatsuutitsinissamut piumasaqaatit*

§ 20. Atortoq innaallagiartortoq tunngaviusumik illersorneqassaaq taamaaliornikkut inuit aamma uumasuutit navianartunut illersorneqassallutik, tassa atortup ilaanut sarfap ingerlaarfianik attuunnermi pilersinnaasunut.

§ 21. Atortoq innaallagiartortoq kukkunermut illersorneqassaaq taamaaliornikkut inuit aamma uumasuutit navianartunut illersorneqassallutik, tassa atortup ilaanut sarfap ingerlaarfianik attuunnermi pilersinnaasunut.

§ 22. Atortoq innaallagiartortoq sakkortuallaamik sarfanittoornissamut illersorneqassaaq taamaaliornikkut inuit, uumasuutit aamma illuutit navianartunut illersorneqassallutik, tassa kissattoorpallaarnerup kingunerisaanik imaluunniit elektromekaniskiusumik sunnertinneqarnissamut sakkortuallaamik sarfanittoornissamut pilersinnaasunut.

§ 23. Atortumi innaallagiartortumi aqquutit sarfap ingerlaarfigisaanut illersuutit aamma atortut ilaat allat, sarfamik kukkumik ingerlaarfissatut naatsorsuussat, sarfamik taassuminnga ingerlaffissatut pineqassaput kissappallaarnissaat pinaveersaartillugu.

§ 24. Sarfap ingerlaarfiisa ilaasa sarfap kaaviffiisa akornanni ajoqutit, taakkua assigiinngitsunik sarfamik pilersorneqarnerisa kingunerissanngilaat inuit, uumasuutit imaluunniit illut navianartorsiorsinnaanerat.

*Atortunut 1000 V ac. imaluunniit 1500 V dc. sinnerlugit sakkortussusilinnut  
isumannaatsuutitsinissamut piumasaqaatit*

§ 25. Atortup innaallagiartortup toqqaannartumik attorneqarnissaannut illersorneqassaaq, taamaaliornikkut sarfap ingerlaarfiisa ilaannik attuinisaaq imaluunniit taakkua ilaannut sumiiffimmut navianarsinnaasumut sarfallit eqqaannut piaarinani isertoornisaaq pinngitsoortinniarlugu.

§ 26. Atortoq innaallagiartortoq ima ikkussuussineqassaaq inunnit toqqaannaanngitsumik atorineqarnissaanut illersuuserlugu, inuit tassunga akuerisaallutik isersinnaappata.

§ 27. Atortoq innaallagiartortoq ima illersuuserneqarsimassaaq atortulerlugu automatiskiusumik qamisinnaasunngorlugu attaviit nunamut ikkussimasut ulorianartumik ajoquserneranni imaluunniit attaviit nunamut ikkussimasut ajoquteqarnerannik takutitsineranni.

§ 28. Atortoq innaallagiartortoq ima suliarineqassaaq sarfat nalinginnaasut akiorsinnaanngorlugit, tamatumunnga ilanngullugit sarfat sakkortuallaartut.

§ 29. Atortoq innaallagiartortoq ima suliarineqassaaq suliarineqassaaq taamaaliornikkut, sarfap sakkupallaalersimasup, nunamut attaviit ikkunneqarsimasut ajortinnerannit imaluunniit aqquutip ataatsip arlaqartulluunniit sarfaarunneranni inuit, uumasuutit imaluunniit illut navianartorsioortinneqassanatik.

§ 30. Atortoq innaallagiartortoq nakkutigineqarnissamut, illersorneqarnissamut, naleqqusaaissamut aamma misissorneqarnissaminut atortulerneqarsimassaaq, taamaaliornikkut isumannaatsumik aamma siunertaq tunngavigalugu atuutissalluni.

§ 31. Atortoq innaallagiartortoq imatut suliarineqassaaq taamaaliornikkut sarfat atorneqarsinnaasut magnetiskiusumik atortuni allani innaallagiartortuunngitsuni pilersinneqartut navianartut aarlerinaate-qarnissaat mianerineqassallutik, pisariaqarpallu iliuusissat pisariaqartut pilersinneqassapput taamaaliornikkut sarfat atorneqarsinnaasut magnetiskiusumik pilersinneqartut annikillisinneqassallutik inunnut aamma uumasuutinut qaffasissusiat navianarunnaarsillugu.

§ 32. Atortoq innaallagiartortoq imatut suliarineqassaaq atortumik ingerlatsinermut aamma aserfallat-saaliuinermut atatillugu suliaqarneq isumannaatsumik ingerlanneqarsinnaanngorlugu.

§ 33. Atortumi innaallagiartortumi mianernartoqarneranut allagartalerneqassaaq, nalunaaqutserneqassaaq aamma ilisarnaaserneqarsimassaaq, taamaaliornikkut kukkusumik atorneqarnera aamma ajutoorne-rit pinngitsoorneqassammata.

*Imm. 2.* Mianernartoqarneranut allagartaliussani tamatigut ISO standard 7010 qaqugukkulluunniit atuut-toq eqqortinneqassaaq, ilanngunneqarsinnaapput kalaallisut aamma danskisut allagartat nassuiaassisut.

§ 34. Atortup innaallagiartortup silamiittup saneraa tamakkerlugu ungalukkat kaajallaasut aamma ator-tumut iserfissat tamarmik mianernartoqarneranut allagartalerneqarsimassapput.

*Imm. 2.* Mianernartoqarneranut allagartaliussani tamatigut ISO standard 7010 qaqugukkulluunniit atuut-toq eqqortinneqassaaq, ilanngunneqarsinnaapput kalaallisut aamma danskisut allagartat nassuiaassisut.

§ 35. Innaallagissamik ingerlatsivinnut iserfusinnaasut tamarmik mianernartoqarneranut allagartalerne-qarsimassapput.

*Imm. 2.* Innaallagissamik ingerlatsiviit matoqqasut aamma suliffissuit ilutaanni init tamarmik innaallagiar-tortunik atortullit paasissutissanik allagartalerneqarsimassapput, tassani ini suunersoq nalunaarneqas-saaq aamma eqqumaffigeqquneqassapput innaallagiaq navianarsinnaasoq. Paasissutissaq taanna inip sila-taani takussaassaaq aamma matuni tamani inimut iserfusinnaasuni.

*Imm. 3.* Mianernartoqarneranut allagartaliussani tamatigut ISO standard 7010 qaqugukkulluunniit atuut-toq eqqortinneqassaaq, ilanngunneqarsinnaapput kalaallisut aamma danskisut allagartat nassuiaassisut.

## Kapitali 4

### *Isumannaatsuutitsinissamut immikkut piumasaqaatit*

#### *Sanaartukkat*

§ 36. Sanaartukkat najummisussat annertussusilerneqassapput Eurocodes naapertorlugu tassunga ilan-ngunneqassallutit ilanngussat Kalaallit Nunaannut tunngasut. (GL-NA)

§ 37. Atortut innaallagiartortut innaallagiaqarnerisa, sanaartukkat najummisussat aamma toqqaviit naat-sorsorneqarnerannut atatillugu mianerineqassapput anorip artorsartitsisinnaanera aamma sermertarne-rup oqimaaqutaasinnaanera, taakkunani malinneqassapput nalinginnaasut Den Europæiske Komité for E-lektroteknisk Standardisering (CENELEC)-imit tamanut saqqummiunneqarsimasut, tassunga ilanngullugit Kalaallit Nunaanni pissutsit immikkut atuuttut.

### *Kabelit aamma innaallagissap ingerlaarfii*

**§ 38.** Illuni kabelinik siaartitsinermi inip stationiusup silataani qulakkeerneqassaaq kabelit naammaginatut ikuallassinnaanernut illersorneqarnissaat.

**§ 39.** Kabelit imminnut qassutsinneqartillugit imaluunniit kabelinut allanut qanittumik inissinneqartillugit, taava kissarnermik imminnut sunniuteqartarnerat naatsorsorneqassaaq taamaaliornikkut kabelit annikinnerpaamik qanoq imminnut ungasitsiginissaat aalajangerneqassaaq. Annikinnerpaamik qanoq imminnut ungasitsiginissaannut naatsorsugaq eqqortinneqarsinnaangippat, taava allatut qulakkeerneqassaaq kabelit akunnerminni ajoqutaasumik imminnut ajoqusinnginnissaat.

*Imm. 2.* Kabelit ikkussuunneqassapput kiammik pilersitsinnaasunit naammaginatut ungasissusilerlugit imaluunniit taakkunanga avissaartinneqassapput attuunniissaannut illersuutunik kiammut illersukkunik.

**§ 40.** Kabelit nalinginnaasumik siaartinneqassapput kabelinut ruujorinut T-179-inik illersuuserlugit imaluunniit minnerpaamik taakkua ninngoqataanik imaangippat kabelit 0,7 meterisut ititigisumut matoorunneqarlutik aamma ruujorinik, U-profilinik imaluunniit assiaqutit saattukuunuk matullugit illersuuserlugit.

**§ 41.** Assiaqutit saattukujuut, ruujorit aamma U-jusat plastikimik suliat kabelinut nunamiittunut illersuutaasussat aappaluttuussapput imaluunniit erseqqissumik nalunaarneqarsimassallutik.

*Imm. 2.* Assiaqutit saattukujuut minnerpaamik 100 mm silissuseqassapput aamma mianersornissamut allagartaqassallutik. Tak. DS/EN 50520.

*Imm. 3.* Mianersornissamut allagartaq, tak. imm. 2, imaassaaq

- 1) naqinnerit minnerpaamik 10 mm-imik angissuseqassapput,
- 2) qalipaataat qernertuussaaq aamma
- 3) uteqattaarneqassaaq annerpaamik 200 mm-inik allagartap akornanni akunnilerlugit.

*Imm. 4.* Assiaqutissat saattukujuut pineqartillugit imm. 3, normu 2-mi taamaallaat atorineqarsinnaapput, taakkua naqinnilerlugit nalunaaqutserneqarsimagunik.

**§ 42.** Innaallagissap aqqutai aamma taakkua atortui sakkortussuseq tunngavigalugu qamittaatinut, sikringilimmik qamittaatinut imaluunniit sakkortuallaarneq tunngavigalugu qamittaatinut toqqaannartumik ikkunneqarsimappata, taava taakkua nioqqutissiortup nalunaaqutsiinera tunngavigalugu innaallagissamut aqqutit aamma atortut ikkunneqarsimasut nalingat aamma sivilissusiat sivilinnerussanngilaq, atortut innaallagiartortut ikkunneqartut nioqqutissiortumit nalunaaqutsiineq tunngavigalugu taakkua assingannit annikinnerussanngilaq.

### *Torsuusat atortunik passussisarfiit*

**§ 43.** Torsuusani atortunik passussisarfinni aniffissat arlallit pilersinneqassapput, taakkua ajornartoornermi qimaassinnaanermut naammaginatut periarfissiissapput.

*Imm. 2.* Torsuusat atortunik passussisarfiit 10 meterit sinnerlugit isorartussusillit ikinnerpaamik marlun-nik qimaaffissanik anillaffissaqassapput.

#### *Nakkutiginninnermut aamma aqutsinnermut atortut*

**§ 44.** Atortup innaallagiartortup nakkutigineqarneranut aamma aqunneqarneranut atortui imatut suliarineqassapput, taassuma paasinarsisissallugu qamittaati sumiinnera aamma ajoquteqarnermi inissisima-neq sunaluunniit.

**§ 45.** Immikkoortitsissutit motorimik ingerlatsillit, innaallagiartortut nunamut attavii ikkunneqartut, sakkortussuseq tunngavigalugu qamittaati, sikringit automatiskiusut aamma sakkortuallaarneq tunngavigalugu qamittaati sumiiffimmi ikkunnissaannut aamma ikkusimajunnaarnissaannut aqutsinissamut pilerne-qassapput.

### **Kapitali 5**

#### *Atortut pioreersut*

**§ 46.** Atortut innaallagiartortut suliarineqarsimassapput piffissami suliarineqarfianni maleruaqqusat atuuttut naapertorlugit.

*Imm. 2.* Atortunut innaallagissap aqutaanut silaannakkoortunut pioreersunut allanngortitsinernut annikitsunut tunngatillugu aalajangersakkat, piffissami suliaqarfusumi atuussimasut atorneqarsinnaapput.

### **Kapitali 6**

#### *Ingerlatsinermik aallartitsineq aamma nalunaaruteqartarneq*

**§ 47.** Atortoq innaallagiartortoq nutaaq ingerlatillugu aallartinnginnerani taava pineqartup atortumik aallartitsisup qulakkiissavaa, atortup ingerlanneqarnera suliffeqarfimmit ingerlatsisussatut akisussaasumit isumagineqassasoq, isumannaatsuutitsinissaq pillugu malitassami atortunut innaallagiartortunut ingerlatsinnermut tunngatillugu piumasaqaataappat ingerlatsineq suliffeqarfimmit akisussaasuusumik ingerlanne-qassasoq.

**§ 48.** Atortup suussusianut nalinginnaasoq atuuttoq saqqummersinneqarsimasoq atorneqanngippat imaluunniit ilaannakortumik atorneqarluni, taava suliffeqarfiup ingerlatsisusup Innaallagissiornermut Oqartussanut tamanna nalunaarutigissavaa.

Nalunaaruteqarnermi nalunaarutigineqartussat tassaapput:

- 1) Atortunik innaallagiartortunik pioreersunik annertusititsineq.
- 2) Atortut innaallagiartortoq nutaaq.

*Imm. 2.* Nalunaaruteqarneq imm. 1 naapertorlugu paasissutissanik aamma uppersaasersuutini mak-kuninnga ilaqassaaq:

- 1) Atortup innaallagiartortup sumiiffimmi sumi inissinneqarsimanera aamma paasissutissat allaasinnaasut, taamaaliornikkut atortup suunera paatsoorneqarsinnaanngitsumik ilisarineqarsinnaanngorlugu.
- 2) Piffissaq qanga suliaqarsimanera.

- 3) Piffissaq qanoq pilersaarusiornerup naammassineqarsimanera, imaappat taanna piffissamit qanga suliarineqarsimaneranit malunnaateqarluartumik allaannerulluni.
  - 4) Isumannaatsuutitsinissamut piumasaqaatit eqqortinneqarsimanerannut uppersaasarsuutit.
  - 5) Uppersaasarsuut uunga tunngasoq misissuisimanermut tassa atortut innaallagiartortut teknikimut tunngatillugu uppersaasarsuutitut naleqquttuunersut.
  - 6) Uppersaasarsuutit atortunik toqqaasimanermut aamma illersuutitut atortussanik toqqaasimanermut.
  - 7) Naatsorsuinerit aamma nalilersuinerit tassa isumannaatsuutitsinissamut piumasaqaatinik eqqortitsimanermut tunngavigineqartussanik.
  - 8) Atortup innaallagiartortup titartagartani aamma takussutissat skiimanngukkat.
  - 9) Paatsoorneqarsinnaanngitsumik ilisarineqarsinnaanngorlugu uppersaasarsuut atortup innaallagiartortup ilaata sorliup suliarineqarsimaneranut tunngatillugu.
- Imm. 3.* Nalunaarut, tak. *imm. 1.* suliarineqassaaq kingusinnerpaamik suliap suliarineqarnerata kingornatigut kingusinnerpaamik ullut 14-it qaangiutsinnagit.

## Kapitali 7

### *Pineqaatissiinerit*

**§ 49.** Akiliitsinissamik pineqaatissinneqassaaq imatut iliortoq:

- 1) §§ 13 – 47 unioqutitsisoq,
- 2) § 48, *imm. 1.* naapertorlugu nalunaaruteqanngitsoortoq,
- 3) eqqunngitsunik imaluunniit amigaaqartunik § 48, *imm. 2* naapertorlugu, imaluunniit
- 4) § 48, *imm. 3*-mit unioqutitsisoq.

*Imm. 2.* Inuit inatsisitigut pisinnaatitaasut pisussaataasullu pineqaatissinneqarsinnaapput Kalaallit Nunaanni pinerluttulerinermik inatsimmi maleruaqqusat naapertorlugit.

*Imm. 3.* Akiliitsinerit nalunaarut naapertorlugu pineqaatissiissutigineqartut, Nunatta Karsianut ingerlatinneqassapput.

## Kapitali 8

### *Atuutilerfia aamma ikaarsaariarnermi aalajangersakkat*

**§ 50.** Nalunaarut atuutilerpoq ulloq 1. januaari 2020.

**§ 51.** Atortut innaallagiartortut innaallagialaq sakkortooq pillugu nalunaarummi immikkoortut 2, 6 aamma 9 naapertorlugit suliarineqarsinnaapput ulloq 31. decembari 2020 tikillugu aamma ilanngullugu.

*Imm. 2.* Atortut innaallagiartortut 31. decembari 2020 sioqqullugu suliarineqarnissaat piareersarneqa-reersimasooq imaluunniit aallartinneqarsimasut innaallagialaq sakkortooq pillugu nalunaarummi immikkoortut 2, 6 aamma 9 naapertorlugit suliarineqarsinnaapput imaluunniit maleruaqqusat taakku naapertorlugu naammassineqarsinnaallutik ulloq 30. juuni 2021 tikillugu aamma ilanngullugu.

*Imm. 3.* Innaallagissiornermut Oqartussat immikkut ittumik pisoqartillugu atortut innaallagiartortut naammassineqarnissaat pillugit immikkut akuersissuteqarsinnaapput, taakkua suliarineqarnissaannik piareersaaneq naammassineqareersimappat imaluunniit aallartinneqarsimappat innaallagialaq sakkortooq pil-

lugu nalunaarummi immikkoortut 2, 6 aamma 9 naapertorlugit 30. juuni 2021 kingornatigut. Immikkut akuerineqarnissamut qinnuteqaat Innaallagissiornermut Oqartussat ulloq taanna nallertinnagu tigoreersimassavaat.

*Innaallagissiornermut Oqartussat, ulloq 12. december 2019*

Michael Petersen

/

Jane Lynge Hansen

**Namminersorlutik Oqartussat**

Imaneq 4

3900 Nuuk

E-mail: [nsninatsit@nanoq.gl](mailto:nsninatsit@nanoq.gl)

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut